

r. 1783.

Chruscikowski ks. Samuel S. P.

Laudatissimum opus ab... Josepho II... Leopoli pri-
die Cal. Jul. anno 1783 in horto prime Jabłonowska

LAUDATISSIMUM OPUS
AB AUGUSTISSIMO AC POTENTISSIMO
JOSEPHO II.
IMPERATORE ROMANORUM,
HUNGARIÆ, BOHEMIAE, GALICIAE
ET LODOMERIAE &c.
R E G E.

LEOPOLI, PRIDIE CAL. JUL. ANNO M.DCC.LXXXIII.
IN HORTO PRINCIPIS JABLONOWSKA PALATINÆ BRACLA-
VIENSIS, GESTUM, AD M MORTALEM EJUSDEM MEMORIAM
CARMINE POLONICO DESCRIPTUM, ET LATINO
ELEGIACO REDDITUM

A P. SAMUELE CHRÓSCIKOWSKI Scholarum Piarum,



Ehéu! mellifluus, cur nunc non vivat Apollo!
Elysia Amphion cur regione latet?
Cur te nox æterna premit, qui carmine dulci
Eximiis Laudes rebus Homere dabas?
Ante tuum tumulum lacrymas, quas fuderat olim
Magnus Alexander, corde gemente darem:
Cur divine Maro, clarorum gesta Virorum
Suavi non celebras hæc tenus ore tuo?
Non meritam, insonti profusè sanguine, famam.
Non quos in cineres Troja redacta fuit;
Non gentes, dirus belli, quas subdidit; ensis,
Non arces, sævus quas furor æquat humo:
Non, ut Pyramides, ferientia monia cœcum,
Constructa, è spoliis, plebs miseranda, tuis,

Nunc

Nunc ego vos vellem, de æterno surgere somno,
Ut tenerum vestro carmen ab ore fluat !
CÆSARIS, immortale decus celebretis, ob illud,
Quod præstat Matri, FILIA! quodve tibi. (*)
O! mihi Pierides, precor, aspirete canenti !
Incipio. Advertat, Terra, Polusque, stupens.
Læsit dilectam, carissima FILIA, MATREM :
Quà noxà læsit, subticuisse lubet.
Commemorabo nisi, quod cùm nimis anxia quærerit,
Ut veniam, culpæ, possit habere, suæ;
Audit justitiam, multò hic opus esse labore:
Jura hic Naturæ, juraque læsa Poli.
Sit sat Conflixi. Nimirum: firma Voluntas,
Si comes est Ratio, fortia multa gerit.
Contigit, ut CÆSAR, nostras intraret in oras,
Obtutu populis tempora læta ferens :
Et dum, more Patris, Regna hæc moderatur, ut omnis, -
PRINCIPIS adventu, faustior esse queat:
Dum facilis cunctos clementi suscipit ore,
Et cupit edicti jure beare sui :
FILIA, se sifit, quam stringit firma voluntas,
Lumen demittit, corde gemente dolet,
Atque rogat supplex, quo Clementissime CÆSAR,
Succurras miseræ, prospiciasque modum,
Ut veniam MATER velit indulgere petenti,
Et noxam tollat nobiliore nota.
Nec mora, CÆSAR ait: res hæc mandabitur illi,
Qui regit has oras, ut tibi præstet opem:
Leniet ille tibi MATREM, veniamque rogabit,
Atque simul tecum, iussus adibit Eam.
At velut herba virens, sese de cortice trudit,
Cum post ardores, rore madescit humus :
Ut matura tamen, consurgere possit in altum,
Largior è cœlis, est opus, unda cadat:
Sic, quamvis traxit solamen CÆSARIS ore,
Non poterat, plena, NATA, quiete frui.

Est

(*) Catharina, at olim in Ordine Virginum Monialium Theophila Bielska, est Filia, IMD. Bielski Castellani Haliciensis, ex prima uxore, IMD. de Comitibus Ostrorog Filia Castellani Zakroczymensis procreata: jam vero Privigna, IMD. Constantiae de Bekierskie Comitis Bielska alterius uxoris ejusdem Castellani Haliciensis, Dominae, insigni Crucis scellatae, ornatae.

Est locus, ad Clivos viridantibus obsitus hortis.

Nomen ubi Viridis certa platea tenet.

Hic simul exurgunt Jablonovia tecta superba,

Hortus, & umbriferæ, Sole cremante, viæ.

Hic canit, in celsis tiliis, philomela quiescens,

E axis suavi, murmurat unda, sonò.

Hic montes, ubi Turca ferox sua castra locavit,

Urbi Lembergæ funera dira parans:

Ignivomoque globos centum vibrabat ab ære,

Horrendè quatiens, incenia, templa, domos.

Huc Sole occiduo, populus se fundit ab urbe,

Quem curis fessum lenior aura fovet.

Huc quoque CÆSAR adest, ut tempora longa laborum

Rumpat, & ut Populo gaudia plena ferat.

ILLUM, spirat enim, bonitatem fronte serena,

Circumdat Populi lecta corona frequens.

Non secus agmen apum distentas nectare cellas

Deserit, herbosum Matre petente nemus:

Hæ tutantur eam, pulchroque examine cingunt,

Dulci contendunt, hæ, recreare, sono:

Illa gravis, blando cunctas sermone moratur,

Et mulcens animos, urit amore sui.

Hunc quoque NATA subit, quem PRINCEPS intrat in hortum:

Optatumque sibi tempus adeste videt:

Advolat ergo tremens, & supplex poplite flexo,

Solvitur in lacrymas, ingeminatque preces:

Tu PRINCEPS invictæ, meæ, mihi, MATRIS amorem

Concilia, & NATÆ, quam potes, adfer opem!

Quid, precor, hic CÆSAR? nimium sibi forte molestam,

Et nimis audenter, pellit ab ore suo?

Forte? sed incassum, mentem forquebimus ultra.

Audite, ut tristem sollicitamque juvat.

O! quam diffici, cogis me, munere fungi.

Dixerat, & meditans, ore rubente, stetit.

Quis capiet! mirare Polus! cole laudibus Orbis!

MATREM, pro NATA, cum prece CÆSAR adit.

Jam quid MATER agat? num, quô sit fixa dolore,

Egerit, & queritur PRINCIPIS ante pedes?

Numvè suos illi irarum studet indere motus?

Id, vis magni animi, cum pietate, vetat.

Imò ait, o PRINCEPS! cum sit TUA justa voluntas,

Pareo, vim legis jam TUA iussa tenent,

BIEL.

BIELSCIA! quād nimium felix tibi contigit annus.

Cum te, tam illustri ditet honore Polus:

Namque Tibi tribuit, Rex, & Varsavia laudes:

Laudes Lembergæ, CÆSARIS ore capis:

Et quōd, te exornat Clemens splendore MONARCHA,

Majus non poteras accumulare Decus:

Jam CRUCE STELLATA, dignissima jure videris.

Jam tua perpetuò fama superstes erit.

TUque MONARCHA potens. TUA, si est, Clementia magna;

Cerne, quōd & Titus sit bonitate pari.

Si Pater es populis; Henrici exemplar habebas:

Nam fuerat populis optimus ille Pater.

Si TUUS urget amor felicia reddere Regna;

Marcos Aurelios assimilabo TIBI.

Abdita si videas, ratione, & mente sagaci;

Sunt quoque consiliō, qui valuere suō.

Si miseris hominum rebus TUA corda moventur;

Non unus miseris auxiliator erat.

Pro Populo duros soleas si ferre labores;

Carolus exemplō, tum Ludovicus erat.

Si placidus, dulci cunctos bonitate tueris;

MAGNA TUI GENITRIX hæc documenta dedit.

Si facis, ut justè sis bello magnus & armis;

Exemplum ex Atavis, hoc, Proavisque capis.

Denique, TE, Virtus miranda, sub æthera tollit;

Curā Virtutes, hi coluere, pari.

At pietate TUA, dum NATÆ, MATRIS amores,

Concilias; nullos, quos imiteris, habes.

Ista JOSEPHINUM, laus servabatur, in ævum:

Res tanta, à nullo CÆSARE gesta prius.

Hoc opus, immortale meo, volo reddere, versu:

Carmen at exiguum forte perire potest.

Inscribam lapidi, duroque in marmore figam,

Marmor consument, grando, procella, nives.

Ergo decus tantum, Populorum in corde reponam,

Ut nunquam possint hæc monumenta mori.

Nunc hi, qui vivunt, post, qui nascentur ab istis,

Grande TUUM, celebrent, MAXIME CÆSAR, opus.



XVII-2.1120